

律
疎
刑
書

神珠神書

齊東野語序

齊東野語者吳興周子自名其所編書也周子吳人而名其書齊語何也周子其先本齊人也周子之客讀其書而疑之曰周子之辭謙爾非實也蓋昔學廢兵起而天下談客坐聚於齊臨淄稷下之徒車雷鳴袂雲摩學者翕然以談相宗雖孟子亦嘗爲齊學也然而能非之今之所傳齊東之云皆非之之辭也故莊周曰齊諧爲滑稽漢高責齊虜

以口舌如斯而已矣。今夫周子之書其言覈其事
確其詢官名精乎其欲似郊子也。其訂輿圖審乎
其欲似晉伯宗也。其涉詞章禮樂贍乎其欲似吳
公子札也。他所稱舉旁聞曲證如歸泰山之顛而
記封丘之墮過矍相之圃而數射夫之序。凡若是
不苟然也。而豈齊東云哉。故曰周子之辭謙爾非
實也。周子曰我自實其爲齊非也。然客謂我非齊
亦非也。我家中丞公實自齊遷吳。及今四世於吳。

爲家先公嘗言我雖居吳心未嘗一飯不在齊也
豈其子孫而遂忘齊哉而又大父侍郎公踐敷六
曹外大父參預文莊章公出入兩制臺閣之舊章
宮府之故事汎濫淹注童而受之白首未忘失今
弗圖恐遂廢軼古人有言人窮則反本若我者今
非窮乎苟反其本則當爲齊故吾編吾書而係之
齊何不可乎客曰唯唯則次第其言以附於

字

其書之末周子名密字公謹至元辛卯孟春刻

一本少於

源戴表元序

齊東野語卷一

齊人周密公謹識

虞農毛晉子晉訂

孝宗聖政

昇陵天縱睿聖英武果斷古今之所鮮儷聖政彰彰者備載金匱玉牒之書嘗得以竊窺之矣其或一時史臣有所避忌采訪遺落失於紀載者不一而足茲以先世見聞及當時諸公之所記錄數事

謹書于此庶乎美盛德之形容備良史之采錄云
帝嘗禁諸司官非時會合以其族談不修職業故
也李安國爲郎官一日有薦術士至部中同省因
會集言命翼日御批問故同省窘甚咸欲飾辭自
解安國獨曰以實告其過小爲欺其罪大因援魯
肅簡市飲故事引咎以聞同省從之旣而事寢不
行越三日李遂除吏部侍郎○李處全嘗論匠監
韓玉玉乃廟堂客也凡三疏而玉亦以處全請託

私書爲言上旣重違臺論且以忌器遂令玉補外
旣而與祠而玉留北闕作書投匭訴匠簿張權諧
已檢院不敢納遂潛入關伏闕投之上就書批云
韓玉曾任卿監理當靖共乃敢伏闕妄有陳訴鼓
惑衆聽漸不可長可送潭州居住○女真使烏林
荅天錫到闕要上降榻問金主一本無起居瞻軍
酒官丁逢上書乞斬之卽日引對遂極論前侍御
李處全及故諫議大夫單時貪污事卽與改命入

官陞擢差遣

舊法未經任人不許堂差時相欲

示私恩則取部闕而堂除之上知其故遂令根刷
姓名進呈降旨云宰執當守法度以正百官梁克
家違戾差過員數最多候服闋日落職曾懷可降
觀文殿學士○丁婁明之子常任明州倅以舊學
之故力附曾觀其後魏王出

一本無
出字

判明州尤昵

近之旣而入奏與之求貼戕上批荅云朕於吾子
無所愛第爵祿天下之公器不可私也未幾臺臣

論罷之○程泰之以天官兼經筵進講禹貢闢文
疑義疏說甚詳且多引外國幽奧地理上頗厭之
宣諭宰執云六經斷簡缺疑可也何必強爲之說
且地理旣非親歷雖聖賢有所不知朕殊不曉其
說想其治銓曹亦如此也旣而補外○庚子九月
上宣諭宰執云已有一本無有字指揮閣門令今後常
朝宰臣免宣名他朝會則否且云朕記得老蘇議
論贊儀之臣呼名如胥吏非禮貌之意也○上一

日與宰執言伯圭不甚教子各使之治生何以爲
清白之傳且其下尚有三弟若皆作郡則近地州
郡皆自家占了何以用人莫若以高爵厚祿使之
就閑可也趙丞相贊曰凡好事古所難者盡出陛
下之意臣等畧無萬一可以補助後秀邸諸子弟
悉歸班焉○辛丑六月臨安士人以不預補試羣
詣臺諫宅陳詞臺諫畏其勢以好語諭之是夜集
吏部侍郎鄭丙之門詬罵無禮或疑京尹王宣子

怒丙激使然也鄭遂徙家避之次日入奏待罪乞
去上已密知其故遂批出鄭丙無罪可待令臨安
府將爲首作鬧人重作行遣旣而宣子頗回護之
上怒云設使鄭丙容私自當訟之朝廷安可無禮
如此若不得爲首人王佐亦當坐罪且令宰執宣
諭宣子越一日奏勘到作鬧士人府學生丁如植
爲首其次許斗權羅堯御批並編管鄰州如植仍
杖八十科斷○嘗秋早上問執政禱雨於天地宗

廟社稷合用牲否周益公奏止用酒脯幣帛上曰
雲漢詩云靡神不舉靡愛斯牲則是合用牲矣可
更與禮官等考訂之○淳熙九年明堂大禮以曾
覲爲鹵簿使李彥穎頓遞使習儀之際曾以李爲
參預漫爾遜之居前李以五使有序毅然不敢當
者久之在列悉以顧忌皆不敢有所決擇太常寺
禮直官某人者忽進曰參政宰執也觀瞻所繫開
府之遜良是徑揖李以前時曾方有盛眷翌日入

愬其事上默然久之曰朕幾誤矣卽日批出李彥
穎改充鹵簿使伯圭充頓遞使禮直官某人特轉
一官其改過不吝蓋如此云○淳熙中張說頗用
事爲都承旨一日奏欲置酒延衆侍從上許之且
曰當致酒餽爲汝助說拜謝退而約客客至期畢
集獨兵部侍郎陳良祐不至說殊不平已而中使
以上樽珍膳至說爲表謝因附奏臣嘗奉旨而後
敢集客陳良祐獨不至是違聖意也旣奏上忽顧

小黃門言張說會未散否對曰彼旣取旨召客當必十夜乃命再賜說大喜復附奏臣再三速良祐迄不肯來夜漏將止忽報中批陳良祐除諫議大夫坐客方盡歡聞之憮然而罷其用人也又如此○上聖孝出於天性居高宗喪百日後尚食進素饌毀瘠特甚吳夫人者潛邸舊人也屢以過損爲言上堅不從一日密諭尚食內侍云官家食素多時甚覺清瘦汝輩可自作商量於是密令苑中以

雞汁等雜之素饌中以進上食之覺異詢所以然
內侍恐甚以實告上大怒卽欲見之施行皇太后
聞之亟過宮力解之乃出吳夫人於外內侍等罷
職有差

溫泉寒火

邵康節曰世有溫泉而無寒火昭德晁氏解云陰
能順陽而陽不能順陰也水爲火爨則沸而熟物
火爲水沃則滅矣晉紀瞻舉秀才陸機策之曰陰